


Bayibuli y'abaana abato Ekwanjulira



Noowa n'omujjuzo gw'amazzi

Yawandiikiddwa: Edward Hughes

Ebifaananyi bya: Byron Unger; Lazarus

Yavvuunulwa: Rev. Fr. Dr. Francis Xavier Mbaziira

Yakozesebwa: M. Maillot; Tammy S.

Ekinyumizibwa 3 ku 60

www.M1914.org

Bible for Children, PO Box 3, Winnipeg, MB R3C 2G1 Canada

Olukusa: Okkirizibwa okukoppa oba okufulumya bino, Ebinyumizibwa kasita bitaba bya kutunda.

Oluganda

Luganda

Noowa yali muntu asinza
Katonda. Abalala bonna
baakyawa Katonda era
baamujeemera. Lwali lumu
Katonda n'agamba Noowa
ekintu ekitiisa. Katonda

yabuulira Noowa nti:

"Nja
kuzikiriza ensi
eno ennyonoonefu.
Ab'omu
maka go bokka
be banaatalizibwa."



1

Katonda n'alabula Noowa nti omujjuzo
gw'amazzi gujja kujja gubikke ensi.
Katonda n'awa Noowa ekiragiro nti
"Zimba mu mbaawo ekyombo
ekisobola okugyamu
ab'omu maka go
n'ensolo
nnyingi."




2

Katonda n'abuulira Noowa byonna by'ateekwa okukola. Olwo Noowa ne yeemalira ku mulimu.



3

Abantu oboolyawo basekanga busesi Noowa ng'abannyonyola ensonga



emuzimbisa ekyombo. Noowa n'ayongera okuzimba. Era n'ayongera okubabuulira ku Katonda. Tewaaba bamuwuliriza.

4

Noowa yalina okukkiriza kunene. Yakkiriza Katonda neewakubadde tewaali nkuba yali etonnye. Kyaddaaki ekyombo ne kituuka okutikkibwamu ebyetaagibwa okukiteekamu.



5

Olwo ensolo ne zijja. Katonda n'aleeta musanvu musanvu ku z'ebika ebimu, ate bbiri bbiri ku z'ebika ebirala. Ebinyonyi ebinene n'obutono, ebisolo, omuli obutono n'ebinene, ne biyingira



mu kyombo.


6

Oboolyawo abantu bayiira Noowa ebivumo ng'atikka ebisolo. Tebaalekera awo kukola bibi binyiiza Katonda. Era tebaasaba kuyingira mu kyombo.




7

Kyaddaaki ebisolo n'ebinyonyi byonna ne bikkalira mu kyombo. Katonda n'ayita Noowa nti: "Yingira mu kyombo ekyo ggwe n'abomu maka go."



8




Noowa ne mukazi we ne batabani be abasatu ko ne bakazi baabwe ne bayingira mu kyombo. Olwo Katonda n'aggalawo oluggi.

9




Awo enkuba n'ejja, n'efukumuka nnyo ku nsi okumala ennaku n'ebiro amakumi ana.

10




Omujjuzo gw'amazzi ne gubikka ebibuga n'ebyallo. Enkuba bwe yakya, n'ensozi empanvu zaali zibulidde mu mazzi. Ebiramu byonna ebissa omukka ne bifa.

11



Amazzi bwe gaasituka, ekyombo ne kiseeyeeya kungulu. Munda mwandiba nga mwalimu enzikiza, oboolyawo kyagendanga kyekoona, mpozzi n'okuba eky'entiisa. naye ekyombo ekyo kyawonya Noowa omujjuzo gw'amazzi.


12



Omujjuzo gw'amazzi nga gumaze emyezi etaano, Katonda n'asindika embuyaga ekaza. Ekyombo ne kigende mpolampola, ne kyewogoma mu nsozi z'e Ararati. Noowa n'asigala mu kyombo ennaku endala amakumi ana, amazzi


nga bwe gakendeera.

13



Noowa n'atuma Namunngoona n'ejjiba ng'abiyisa mu ddirisa ly'ekyombo. Ejjiba bwe lyabulwa awakalu we lirinnya ne likomawo mu kyombo.

14




Bwe waayitawo wiiki emu Noowa n'addamu okugezaako. Ejjiba ne likomawo n'akakoola akabisi ak'omuti gwa Uliva mu kamwa kaalyo. Nga wayiseewo ennaku endala musanvu Noowa n'amanya ng'amazzi gakalidde ku nsi, kubanga ejjiba teryakomawo gy'ali.

15




Katonda n'ategeeza Noowa nti obudde butuuse okuva mu kyombo. Noowa n'ab'omu maka ge ne baggya ebisolo mu kyombo.

16



Noowa yeebaze nnyo Katonda. N'azimba alutaari n'asinza Katonda eyamuwonya omujjuzo gw'amazzi, ye awamu n'ab'omu maka ge.


17



Katonda n'asubiza Noowa ekyewuunyisa nti takyaddamu kusindika mujjuzo gwa mazzi kubonereza bantu lwa


bibi byabwe. Katonda n'awa akabonero akanajjukizanga ky'asubizza. Akabonero ako ye musoke ow'oku ggulu.

18



Noowa n'ab'omu maka ge ne batandika obulamu obuggya ng'omujjuzo gw'amazzi guweddewo.

19



Nga wayise ebbanga, bazzukulu be ne baddamu okuzzaawo abantu mu nsi yonna. Ab'amawanga gonna mu nsi yonna baava mu Noowa n'abaana be.

20

Noowa n'omujjuzo gw'amazzi

Ekinyumizibwa okuva mu kigambo kya
Katonda, Bayibuli

Bisangibwa mu

Entandikwa 6-10

"Ekigambo kyo we kiyingira. Kireetawo
ekitangaala." Zabbuli 119:130

Katonda amanyi nga twakola ebintu ebibi by'ayita EKIBI.
Ekibonerezo ky'ekibi, kufa.

Katonda atwagala nnyo, kyeyava atuma Omwana we Yesu
okufiira ku musaalaba akole ekibonerezo ekyandibadde
ekyaffe. **Yesu yaddawo okuba omulamu**, n'addayo mu
Ggulu. Kaakano Katonda ayinza okusonyiwa ebibi byafffe.

Bw'oba ng'oyagala okuva mu bibi byo, gamba Katonda
nti: "Katonda Omwagalwa, nzikiriza nga Yesu yanfiirira
era nga kaakano yaddawo okuba omulamu. Nkusaba ojje
mu bulamu bwange onsonyiwe ebibi byange, nsobole okuba
n'obulamu obuggya kaakano, olwo ndyoke mbeerenga
naawe olubeerera. Nnyamba okuba omulamu ku lulwo nga
omwana wo. Amiina. Yowanne 3:16

Somanga Bayibuli onyummyenga ne Katonda buli lunaku.